

2451



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
 PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
 Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229
 Sjedište: ul. Jaroslava Černija br. 8, tel: 033/237-655, 033/483-400, fax: 033/440-658, www.viksa.ba
 e-mail: press@viksa.ba PDV-IB: 200151950004, ID: 4200151950004

KANTON SARAJEVO
 SKUPŠTINA KANTONA SARAJEVO
 Ul. Reisa Džemaludina Čauševića broj 1
 71 000 Sarajevo
 n/r Predsjedavajućeg Skupštine Kantona Sarajevo

Sarajevo, 04.06.2026. god.

Bosna i Hercegovina
 Federacija Bosne i Hercegovine
 KANTON SARAJEVO

Broj: 474 / 26

12-06-2026

Organizaciona jedinica	Klasifikaciona oznaka	Kvazi broj	Proj. prijava
09	04	644/26	26

Predmet: Odgovor na zastupnička pitanja zastupnice Sebije Izetbegović
 - Veza Vaš dopis broj 01-04-644-45/26 od 19.05.2026. godine

Poštovani,

Dopisom iz Naslova broj 01-04-644-45/26 od 19.05.2026. godine ste nam dostavili zastupnička pitanja zastupnice Sebije Izetbegović. U nastavku teksta dostavljamo Vam odgovore na pitanja koja su u nadležnosti KJKP „Vodovod i kanalizacija“ d.o.o. Sarajevo.

I. INFORMACIJE O RADOVIMA I IZVOĐAČIMA

1. Koji se tačno radovi izvode u ulici Radićeva na području Općine Centar Sarajevo?

U ulici Radićeva na području Općine Centar Sarajevo izvode se radovi na rekonstrukciji vodovodne i separatne kanalizacione mreže.

2. Ko je investitor predmetnih radova?

Investitor predmetnih radova je Općina Centar Sarajevo.

3. Ko su izvođači radova i podizvođači angažovani na realizaciji projekta?

Izvođač predmetnih radova je KJKP „Vodovod i kanalizacija“ d.o.o. Sarajevo, bez angažovanih podizvođača.

4. Molim da se dostavi kopija ugovora ili osnovni podaci o zaključenim ugovorima vezanim za izvođenje predmetnih radova.

Za izvođenje predmetnih radova su između Općine Centar Sarajevo i KJKP „Vodovod i kanalizacija“ d.o.o. Sarajevo potpisani Sporazumi o grantu:

za rekonstrukciju kanalizacione mreže u ulici Radićeva (Sporazum broj 07-11-4110/24 od 10.12.2025. godine odn. 456/25 od 17.12.2025. godine) sa ukupnom procijenjenom vrijednošću radova od 372.072,89 KM sa PDV-om i

za rekonstrukciju vodovodne mreže u ulici Radićeva (Sporazum broj 07-11-4110/24-1 od 18.02.2026. godine odn. 89/26 od 05.03.2026. godine) sa ukupnom procijenjenom vrijednošću radova od 148.889,30 KM sa PDV-om

5. Kada su radovi zvanično započeli?

Radovi na rekonstrukciji kanalizacione mreže započeli su 10.03.2026. godine, a radovi na vodovodnoj mreži su počeli nešto kasnije i trajali u periodu kad je bilo moguće da se isti izvode a da dvije ekipe ne ometaju jedna drugu.



6. Koji je planirani rok završetka radova?

U skladu sa potpisanim Sporazumima realizacija projekata izvođenja radova na rekonstrukciji kanalizacione i vodovodne mreže trajat će do okončanja realizacije predmetnog projekta, odnosno utroška obezbijedenih sredstava za njihovu realizaciju.

7. Kolika je ukupna vrijednost projekta i iz kojih se sredstava finansira?

Ukupna vrijednost projekta rekonstrukcije kanalizacione i vodovodne mreže u ulici Radićeva iznosi 520.962,19 KM sa PDV-om, a finansira se iz sredstava budžeta Općine Centar Sarajevo.

II. NADZOR I SIGURNOST GRADILIŠTA

1. Ko vrši stručni i tehnički nadzor nad izvođenjem radova?

Stručni i tehnički nadzor nad izvođenjem radova vrši firma JP „Zenica“ d.o.o. Zenica, angažovana od strane Općine Centar Sarajevo.

2. Da li su poduzeti svi potrebni koraci kako bi se osiguralo gradilište i zaštitila sigurnost građana i prolaznika?

U skladu sa važećom tehničkom i zakonskom regulativom preduzete su sve mjere i neophodni koraci kako bi se osiguralo gradilište i zaštitila sigurnost građana i prolaznika. Radovi se izvode u radno vrijeme tokom radne sedmice. U skladu sa odobrenjem i elaboratom izmjene režima saobraćaja vrši se regulacija saobraćaja, te u toku radnog vremena omogućava pristup Tužilaštvu i stanarima ove ulice. Nakon završetka radova za taj dan izvrši se zatrpavanje rova, čišćenje zone gradilišta, te zaštita nezatrpanog dijela rova čeličnim premoštenjima za automobilski saobraćaj, i pušta se saobraćaj u punom profilu saobraćajnice u ulici Radićeva do novog radnog dana.

3. Da li su izvršene inspeksijske kontrole gradilišta od strane Kantonalne uprave za inspeksijske poslove i molim da se dostave zapisnici i nalazi izvršenih kontrola

Odgovor je u nadležnosti Kantonalne uprave za inspeksijske poslove.

4. Da li je gradilište propisno obilježeno u skladu sa važećim propisima iz oblasti sigurnosti, zaštite na radu i saobraćaja?

Gradilište je propisno obilježeno u skladu sa važećim propisima iz oblasti sigurnosti, zaštite na radu i saobraćaja.

5. Da li postoji procjena rizika za građane i okolne objekte tokom izvođenja radova?

Za potrebe realizacije ovog projekta urađena je projektna dokumentacija od strane KJKP „Vodovod i kanalizacija“ d.o.o. Sarajevo. Za istu je pokrenut postupak pribavljanja odobrenja za građenje, gdje je prvo izdata urbanistička saglasnost sa svim urbanističko-tehničkim uslovima koje treba ispoštovati za izdavanje odobrenja, kao što su navedene i sve neophodne saglasnosti komunalnih preduzeća i upraviteja cesta. Na projekat je dobijena i saglasnost ovlaštene firme za zaštitu na radu i zaštitu od požara (ovim su pokrivene mjere zaštite radnika i prolaznika, kao i okolnog stanovništva za vrijeme trajanja radova). Tek nakon ispunjenja svega navedenog od strane Službe za prostorno uređenje i investicije Općine Centar Sarajevo izdato je odobrenje za građenje broj 07-19-5811/25 od 07.10.2025. godine, sa pečatom pravosnažnosti od 31.10.2025. godine. Prilikom izdavanja odobrenja nisu uslovljeni nikakvi posebni zahtjevi niti je definisan bilo kakav povećani rizik za građane i okolne objekte tokom izvođenja radova, koji bi se morao uključiti u projektnu dokumentaciju za predmetne radove, a nije prisutan na bilo kom drugom lokalitetu izvođenja sličnih radova.

U samoj ulici Radićeva evidentan je frekventan saobraćaj, te mnoštvo parkiranih vozila koja su bila smetnja samom izvođenju radova, ali je od strane Ministarstva saobraćaja Kantona Sarajevo uredno izdato rješenje o privremenoj izmjeni režima saobraćaja broj 04-23-1793/26 od 25.02.2026. godine, kojim se reguliše saobraćaj u skladu sa urađenim Elaboratom regulacije saobraćaja, te propisuju sve neophodne mjere i signalizacija za regulaciju saobraćaja. U skladu sa izdatom navedenom dokumentacijom su izvedeni radovi na rekonstrukciji kanalizacione i vodovodne mreže.

III. ZAŠTITA JAVNOG ZDRAVLJA I ZAŠTITA OKOLINE

1. Cijeneći blizinu rijeke Miljacke, koje su konkretne mjere preduzete kako bi se spriječilo zagađenje okoliša i eventualno ugrožavanje vodotoka tokom izvođenja radova?

Po postojećem stanju dio kanalizacije usmjeren je prema mješovitom kanalu u Obali Kulina bana. Bilo kakvim nedostatkom na trasi ovog kanala bar dio otpadnih voda se procjeđuje prema rijeci Miljacki. Po projektovanom i izvedenom rješenju sva kanalizacija je usmjerena u pravcu separatne kanalizacije na raskrsnici sa ulicama Branilaca Sarajeva i Mis Irbina. Tako se otpadna voda više ne usmjerava prema Obali Kulina bana u priobalju rijeke Miljacke, što samim tim ima pozitivan uticaj na zaštitu okoliša.

2. Imajući u vidu činjenicu da do danas nije provedena redovna sistematska deratizacija na području Kantona sarajevo, koje su mjere poduzete na samom gradilištu kako bi se spriječila pojava i širenje glodara i drugih potencijalnih prenosnika zaraznih bolesti?

Na samom gradilištu poduzete su sve neophodne mjere kako bi se spriječila pojava i širenje glodara i drugih potencijalnih prenosnika zaraznih bolesti – uredno održavanje kontejnera i prenosnog toaleta, neostavljanje ostataka hrane nakon obroka radnika na terenu, itd.

3. Koje su mjere poduzete kako bi se spriječilo širenje prašine i drugih štetnih čestica koje mogu ugroziti zdravlje građana?

Gradilište se svakodnevno redovno mete i čisti, i više puta u toku radnog vremena, te se vrši polivanje kako bi se stvaranje i širenje prašine svelo na najmanju mjeru.

4. Da li se vrši redovno polivanje i čišćenje gradilišta i saobraćajnica u neposrednoj blizini radova?

Odgovoreno u prethodnom pitanju.

5. Da li su izvršene procjene mogućeg uticaja radova na zdravlje građana i kvalitet zraka u tom dijelu grada?

Zvanična procjena mogućeg uticaja radova na zdravlje građana i kvalitet zraka u tom dijelu grada, koliko smo upoznati, nije rađena, ali generalno rekonstrukcijom vodovodne mreže smanjuju se gubici i isticanje u okolni teren, takođe rekonstrukcijom kanalizacione mreže smanjuje se isticanje otpadne vode u okolni teren. Na taj način se unapređuju sanitarno-higijenski uslovi življenja građana. Što se tiče kvaliteta zraka, u ovoj ulici je konstantno frekventan saobraćaj (i dan i noć). Regulacijom saobraćaja smanjen je na najmanju moguću mjeru saobraćaj „malih“ -putničkih vozila, a u tom periodu (radno vrijeme) rade mašine. Nakon radnog vremena se pušta saobraćaj, tako da nekog drastično negativnog uticaja izvođenja radova u ulici Radićeva na kvalitet zraka u ovom dijelu grada nema.

6. Cijeneći činjenicu da se u neposrednoj blizini nalaze institucije od značaja za Kanton Sarajevo, trgovački centri, poslovni objekti i šetnice, koje dodatne mjere zaštite građana su poduzete?

Pored redovnih mjera propisanih važećom tehničkom i zakonskom regulativom, preduzete su i mjere prekida radova u danima kada su održavani protesti u gradu zbog tramvajske nesreće, kao i zbog obilježavanja pogibije djeca u Kantonu Sarajevo.

IV. ROKOVI IZVOĐENJA I EVENTUALNI PENALI

1. Molim da se dostavi tačna dinamika izvođenja radova i plan realizacije po fazama

Prvobitna dinamika izvođenja radova na rekonstrukciji kanalizacione mreže je u prilogu, dok su radovi na rekonstrukciji vodovodne mreže izvođeni paralelno sa radovima na kanalizaciji, na način da ekipe ne ometaju u radu jedni druge. Generalno se prvo izvela kanalizacija, a tek onda vodovod. Spojevi priključnih poprečnih kanala mogli su se izvesti tek nakon stavljanja van pogona stare vodovodne cijevi.

2. Da li su rokovi za izvođenje probijeni?

Pošto su rokovi za izvođenje generalno do okončanja realizacije predmetnog projekta, odnosno utroška obezbijeđenih sredstava za njihovu realizaciju, to rokovi definisani potpisanim sporazumima nisu probijeni.

3. Ukoliko jesu, molim da se dostavi detaljno obrazloženje razloga zbog kojih je došlo do probijanja rokova.

Rokovi definisani potpisanim sporazumima nisu probijeni.

4. Da li su izvođačima obračunati penali zbog eventualnog kašnjenja u realizaciji projekta?

Nije bilo obračuna penala zbog eventualnog kašnjenja u realizaciji projekta.

5. Ukoliko penali nisu obračunati, molim da se dostavi obrazloženje zbog čega nisu primijenjene ugovorne odredbe

Po potpisanim sporazumima, definisani rokovi izvođenja nisu probijeni, a ugovorne odredbe kažnjavanja eventualnog kašnjenja penalima nisu predviđene istim.

6. Da li postoji novi rok završetka radova i kada se očekuje potpuna normalizacija saobraćaja i korištenje javnog prostora u ulici Radićeva?

U skladu sa planom i pribavljenim odobrenjem za prokop i izmjenu režima saobraćaja radovi u Radićevoj su u završnoj faz. Općina Centar će ubrzo moći asfaltirati saobraćajnicu bar prvim slojem, jer se u najskorije vrijeme očekuju radovi izgradnje novog parka na ovom lokalitetu.

Prilozi:

- Dinamički plan izvođenja radova na izradi separatne kanalizacione mreže u ulici Radićeva – kopija
- Sporazum o grantu za rekonstrukciju kanalizacione mreže u ulici Radićeva - kopija
- Sporazum o grantu za rekonstrukciju vodovodne mreže u ulici Radićeva - kopija

S poštovanjem,



Adnan Šerak

KJKP „Vodovod i kanalizacija“ d.o.o. Sarajevo

Pogon Kanalizacija
Služba za održavanje kanalizacione mreže i objekata

Dinamički plan - Izvođenja radova na izradi separate kanalizacione mreže u ulici Radićeva

Početak izvođenja radova 24.02.2026.god uključujući i rad subotom

Završetak izvođenja radova 15.04.2026.god

Dinamika izvođenja radova:	08:00	08:30	09:30	11:30	12:00	13:00	13:30	14:00	16:00
Raskopavanje kolovoza od asfalta rezačicom									
Mašinski i ručni skop kanala (šlicanje instalacija ptt,gas,voda elektro instalacije i dr.)									
Planiranje dna kanala i izrada podloge od pijeska ukupne debljine sloja 10 cm									
Polaganje i montaža cijevi zasipanje cijevi pijeskom									
Betoniranje podloge, montaža revizionog okna obrada kinete i postavljanje poklopaca									
Zatrpavanje rova kanal šijunkovitim materijalom u trupu saobraćajnice sa nabijanjem u slojevima od po 30 cm									
Utovar transport i istovar viška iskopanog materijala na gradsku deponiju									
Postavljanje i skidanje čelične ploče za nesmetano odvijanje automobilskog i pješakog saobraćaja									

U koliko dođe do nepredviđenih okolnosti dinamika će se korigovati.

Sarajevo: 23.02.2026 godine

Rukovodilac službe

Aida Pendek, dipl. ing. grad.

Inspektor kvaliteta
[Redacted Signature]

[Redacted Name]
[Redacted Title]

Općina Centar Sarajevo, ul. Mís Irbina broj 1, Sarajevo, koju zastupa Općinski načelnik Srđan Mandić (u daljem tekstu : Općina) i

Kantonalno javno komunalno preduzeće "Vodovod i kanalizacija" d.o.o. Sarajevo, sa sjedištem u ulici Jaroslava Černija broj 8, Sarajevo, koje zastupa direktor Adnan Šerak, (u daljem tekstu: KJKP „ViK izvođač radova)

U daljem tekstu zajednički označeni kao „Sporazumne strane“, zaključuju

SPORAZUM O GRANTU

za rekonstrukciju kanalizacione mreže u ulici Radićeva

Član 1.

Ovim Sporazumom utvrđuju se međusobna prava i obaveze potpisnika pri realizaciji izvođenja radova na rekonstrukciji kanalizacione mreže u ulici Radićeva.

Član 2.

Ukupna vrijednost radova po ovom Sporazumu procjenjuje se na 372.072,89 KM sa PDV-om (slovima: tristotinesedamdesetdvijehiljadesedamdesetdva i 89/100 KM) na ime radova rekonstrukcije kanalizacione mreže.

Potpisnici Sporazuma su saglasni da će finansijska sredstva iz člana 2. Sporazuma Općina doznačiti KJKP "ViK"-u na transakcijski račun: UNICREDIT BANK D.D. 3389002208274753, u roku od 10 dana od potpisivanja Sporazuma.

Izvođač radova ispostavlja radni nalog, kojima se utvrđuje stvarna količina izvedenih radova, ovjerene od strane Investitora i na osnovu njega se vrši konačni obračun izvedenih radova i okončana situacija.

U slučaju da visina stvarno utrošenih sredstava bude viša od iznosa iz člana 2. ovog Sporazuma po konačnom obračunu, Investitor se obavezuje da će izvršiti doplatu sredstava za iste u roku od 7 dana od dana ispostavljene fakture.

U slučaju da visina stvarno utrošenih sredstava bude niža od iznosa iz člana 2. ovog Sporazuma po konačnom obračunu, odnosno ukoliko KJKP "ViK" ne može u potpunosti opravdati rashode za odobreni iznos sredstava, obavezan je izvršiti povrat neiskorištenih sredstava na račun Općine u roku od 7 dana od dana ispostavljene fakture.

Član 4.

Potpisnici Sporazuma konstatuju da su do potpisivanja ovog Sporazuma provedene i realizovane sljedeće aktivnosti:

- Urađen okvirni predmjer i predračun radova broj 737/25 od 14.10.2025. godine za rekonstrukciju kanalizacione mreže
- Urađena projektna dokumentacija od strane KJKP "ViK" d.o.o. Sarajevo za predmetne radove

Član 5.

Obaveze potpisnika Sporazuma su:

KJKP "VIK" – Izvođač radova:

- da nabavi potrebni materijal i izvede radove;
- da obezbijedi i sve ostale neophodne predradnje vezane za početak realizacije projekta;
- da imenuje voditelja radova;
- da ugrađuje materijale i elemente koji odgovaraju standardima;
- da poduzme mjere za sigurnost prilikom izvođenja montažnih radova, opreme, materijala, radnika, trećih lica, saobraćaja i susjednih objekata;
- da o svim aktivnostima vezano za realizaciju projekta upozna koordinatora projekta ispred Općine;
- da Općini dostavi izvještaj o realizaciji projekta i utrošku finansijskih sredstava.

Općina Centar:

- da u roku od 10 dana od potpisivanja Sporazuma izvrši uplatu sredstava na račun izvođača radova - KJKP VIK-a u iznosu navedenom u članu 1. ovog Sporazuma
- da pruže svu neophodnu pomoć u okviru svojih nadležnosti;
- da imenuje koordinatora projekta koji će ispred Općine nastupati u svim odnosima sa KJKP "VIK"-om;
- da angažuje nadzor za namjensko trošenje grant sredstava i izvođenje radova

Član 6.

Realizacija projekta izvođenja radova na rekonstrukciji kanalizacione mreže trajat će do okončanja realizacije predmetnog projekta, odnosno utroška obezbjeđenih sredstava iz člana 2. Sporazuma.

Član 7.

Sastavni dio ovog Sporazuma je Predmjer i predračun radova broj 151/25 od 737/25 od 14.10.2025. godine urađen od strane KJKP "Vodovod i kanalizacija" d.o.o. Sarajevo.

Član 8.

Izmjene ovog Sporazuma mogu se vršiti isključivo i samo uz pismenu saglasnost potpisnika Sporazuma. Na međusobne odnose potpisnika koji nisu regulisani ovim Sporazumom primjenjivat će se odgovarajuće odredbe Zakona o obligacionim odnosima.

Član 9.


Sve eventualne sporove, Sporazumne strane će rješavati sporazumno, u duhu dobrih poslovnih odnosa i uzajamnog povjerenja.

U nemogućnosti takvog načina rješavanja, spor će rješavati nadležni sud u Sarajevu.

Član 10.

Ovaj Sporazum je sačinjen u 6 (šest) istovjetnih primjeraka, po 3 (tri) za svaku Sporazumnu stranu i stupa na snagu danom obostranog potpisivanja.

KJKP "Vodovod i kanalizacija" d.o.o. Sarajevo




[Redacted signature]

Broj: 456/25

Datum: 17.12.2025. g.

OPĆINA CENTAR SARAJEVO



[Redacted signature]

Broj: 07-11-410/24

Datum: 10.12.2025.g.

Općina Centar Sarajevo, ul. Mís Irbina broj 1, Sarajevo, koju zastupa Općinski načelnik Srđan Mandić (u daljem tekstu : Općina) i

Kantonalno javno komunalno preduzeće "Vodovod i kanalizacija"d.o.o. Sarajevo, sa sjedištem u ulici Jaroslava Čermija broj 8, Sarajevo, koje zastupa direktor Adnan Šerak, (u daljem tekstu: KJKP „VIK“)

U daljem tekstu zajednički označeni kao „Sporazumne strane“, zaključuju

SPORAZUM O GRANTU

za rekonstrukciju vodovodne mreže u ulici Radićeva

Član 1.

Ovim Sporazumom utvrđuju se međusobna prava i obaveze potpisnika pri realizaciji izvođenja radova na rekonstrukciji vodovodne mreže u ulici Radićeva, odnosno polaganje cjevovoda DN 100 i DN 80 mm sa prebacivanjem priključaka u ulici Radićeva za Općinu Centar.

Član 2.

Općina se obavezuje finansirati projekte iz člana 1. ovog Sporazuma iznosom od 148.889,30 KM sa PDV-om (slovima: stotinučetridesetosamhiljadaosamstotinaosamdesetdevet i 30/100 KM).

Sredstva u iznosu od 148.889,30 KM će Općina, kao grant sredstva, doznačiti na račun KJKP "VIK" u roku od 10 (deset) dana od dana potpisivanja ovog Sporazuma.

Općina će uplatiti sredstva, na način i u iznosu kako je opisano ovim članom Sporazuma, na račun KJKP "VIK" otvoren kod UniCredit Bank d.d., broj računa: 3389002208274753.

Općina zadržava pravo da vrši nadzor nad utroškom gore navedenih sredstava.

Član 3.

KJKP "VIK":

- da nabavi potrebni materijal i izvede radove;
- da obezbijedi i sve ostale neophodne predradnje vezane za početak realizacije projekta;
- da imenuje voditelja radova;
- da ugrađuje materijale i elemente koji odgovaraju standardima;
- da poduzme mjere za sigurnost prilikom izvođenja montažnih radova, opreme, materijala, radnika, trećih lica, saobraćaja i susjednih objekata;
- da o svim aktivnostima vezano za realizaciju projekta upozna koordinatora projekta ispred Općine;

- dostaviti Općini izvještaj o realizaciji projekta i izvještaj sa dokumentacijom o namjenskom utrošku sredstava iz člana 2. ovog Sporazuma u roku od mjesec dana po utrošku sredstava, a za sredstva koja nisu utrošena ili su djelimično utrošena u budžetskoj godini dostaviti izvještaj sa 31.12.2026. godine do 31.01.2027. godine;
- u slučaju potrebe dostaviti i drugi izvještaj u vezi sa realizacijom projekta iz člana 1. ovog Sporazuma, po svakom pojedinačnom pisanom zahtjevu Općine u primjerenom roku određenom od strane Općine.

Općina Centar:

- da u roku od 10 dana od potpisivanja Sporazuma izvrši uplatu sredstava na račun izvođača radova KJKP VIK-a u iznosu navedenom u članu 2. ovog Sporazuma,
- da pruže svu neophodnu pomoć u okviru svojih nadležnosti;
- da imenuje koordinatora projekta koji će ispred Općine nastupati u svim odnosima sa KJKP "VIK"-om;
- da angažuje nadzor za namjensko trošenje grant sredstava i izvođenje radova .

Član 4.

KJKP „ViK“ ispostavlja radni nalog, kojima se utvrđuje stvarna količina izvedenih radova, ovjerena od nadzornog organa imenovanog od strane Općine i na osnovu njega se vrši konačni obračun izvedenih radova i okončana situacija.

U slučaju da visina stvarno utrošenih sredstava bude niža od iznosa iz člana 2. ovog Sporazuma po konačnom obračunu, odnosno ukoliko KJKP "ViK" ne može u potpunosti opravdati rashode za odobreni iznos sredstava, obavezan je izvršiti povrat neiskorištenih sredstava na račun Općine.

Ukoliko KJKP "ViK" ne dostavi Općini izvještaj o utrošku sredstava u skladu sa članom 3. ovog Sporazuma, KJKP "ViK" se obavezuje da će izvršiti povrat uplaćenih sredstava na račun Općine najkasnije u roku od 30 dana od dana isteka roka za dostavljanje izvještaja.

Član 5.

Potpisnici Sporazuma konstatuju da su do potpisivanja ovog Sporazuma provedene i realizovane sljedeće aktivnosti:

- Urađen okvirni predmjer i predračun radova broj 696/25 od 14.10.2025. godine za rekonstrukciju vodovodne mreže
- Urađena projektna dokumentacija od strane KJKP "VIK" d.o.o. Sarajevo za predmetne radove.

Član 6.

Realizacija projekta izvođenja radova na rekonstrukciji vodovodne mreže trajat će do okončanja realizacije predmetnog projekta, najkasnije do 31.12.2026. godine, odnosno utroška obezbjeđenih sredstava iz člana 2. Sporazuma.

Član 7.

Izmjene ovog Sporazuma mogu se vršiti isključivo i samo uz pismenu saglasnost potpisnika Sporazuma. Na međusobne odnose potpisnika koji nisu regulisani ovim Sporazumom primjenjivat će se odgovarajuće odredbe Zakona o obligacionim odnosima.

Član 8.

Sve eventualne sporove, Sporazumne strane će rješavati sporazumno, u duhu dobrih poslovnih odnosa i uzajamnog povjerenja.

U nemogućnosti takvog načina rješavanja, spor će rješavati nadležni sud u Sarajevu.

Član 9.

Ovaj Sporazum je sačinjen u 6 (šest) istovjetnih primjeraka, po 3 (tri) za svaku Sporazumnu stranu i stupa na snagu danom obostranog potpisivanja.

Član 10.

Sastavni dio ovog Sporazuma je Predmjer i predračun radova broj 696/25 od 14.10.2025. godine sačinjen od strane KJKP "Vodovod i kanalizacija" d.o.o. Sarajevo (zaprimljen na protokolu Općine dana 05.02.2026. godine).

KJKP "Vodovod i kanalizacija" d.o.o. Sarajevo



Direktor



Broj: 89/26

Datum: 05.03.2026. GOD.



OPĆINA CENTAR SARAJEVO

Općinski načelnik



Sahar Mandić

Broj: 07-11-4110/24-1

Datum: 18.02.2026.